

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



[www.docsriver.com](http://www.docsriver.com) 商家 本本书店  
内容不排斥 转载、转发、转卖 行为  
但请勿去除文件广告宣传页面

若发现去宣传页面转卖行为，后续广告将以上浮于页面形式添加

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>




[www.docsriver.com](http://www.docsriver.com) 商家 本本书店  
内容不排斥 转载、转发、转卖 行为  
但请勿去除文件广告宣传页面

若发现去宣传页面转卖行为，后续广告将以上浮于页面形式添加

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>





佛頂尊勝陀羅尼經

唐周彌實沙門佛陀波利奉 詔譯

佛說佛頂尊勝陀羅尼經

唐三藏法師義淨奉 制譯

佛頂尊勝陀羅尼經、佛說佛頂尊勝陀羅尼經



清刻龍藏佛說法變相圖

永樂御製佛頂尊勝總持經呪序 莫四

朕惟如來演大乘教開方便門千經萬法無  
非為濟度群生使不淪業報佛頂尊勝總持  
經呪者一切如來智印廣大慈悲甚深希有  
普利昏迷實巨海之津梁幽暗之日月飢渴

莫四

之飲食也世間善男子善女人一切衆生能  
發菩提心持誦佩服者其福德種種無盡永  
脫諸惡苦趣從無始以來百千億劫所積罪  
業悉皆消除若晝夜勤修不懈當得諸佛灌  
頂神天擁護福壽無量如是勝果目覩其效  
誠實不虛朕君臨天下閱斯民之執迷所作  
所為墮於惡趣而不知若斯謬戾誠為可矜  
遂以是經呪用俾河沙刹土一切有情均沾  
利益壽延福增同臻佛道又况佛有誓盟廣  
濟衆生必先度忠孝凡忠臣孝子身生中國

又逢治世受種種快樂皆由其事君事親能  
盡其道又能敬禮三寶修積善因舉足之頃  
即登覺路若夫爲惡之徒昧於改悟所作所  
爲日甚一日造業深重甘心墮落身如沐漆  
求潔實難墮墜幽扁何由出世苟能回心向  
善即此一路可超出劫塵也

永樂九年六月 日

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



[www.docsriver.com](http://www.docsriver.com) 商家 本本书店  
内容不排斥 转载、转发、转卖 行为  
但请勿去除文件宣传广告页面

若发现去宣传页面转卖行为，后续广告将以上浮于页面形式添加

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



二經同卷

佛頂尊勝陀羅尼經

佛說佛頂尊勝陀羅尼經

佛頂尊勝陀羅尼經序

唐定覺寺沙門志靜述

佛頂尊勝陀羅尼經者婆羅門僧佛陀波利儀鳳元年從西國來至此土到五臺山次遂五體投地向山頂禮曰如來滅後衆聖潛靈英四唯有大士文殊師利於此山中汲引蒼生教諸菩薩波利所恨生逢八難不覩聖容遠涉流沙故來敬謁伏乞大慈大悲普覆令見尊儀言已悲泣兩淚向山頂禮禮已舉頭忽見一老人從山中出來遂作婆羅門語謂僧曰

法師情存慕道追訪聖蹤不憚劬勞遠尋遺跡然漢地衆生多造罪業出家之輩亦多犯戒律唯有佛頂尊勝陀羅尼經能滅除惡業未知法師頗將此經來不僧曰貧道直來禮謁不將經來老人曰既不將經空來何益縱見文殊亦何必識師可却向西國取此經來流傳漢土即是遍奉衆聖廣利羣生拯濟幽明報諸佛恩也師取經來至此弟子當示師文殊師利菩薩所在僧聞此語不勝喜躍遂裁抑悲淚至心敬禮舉頭之頃忽不見老人其僧驚愕倍更虔心繫念傾誠迴還西國取佛頂尊勝陀羅尼經至永淳二年迴至西京具以上事聞奏大帝大帝遂將其本入內請日照三藏法師及勅司賓寺典客令杜行顛等共譯此經勅施僧絹三十疋其經本禁在

內不出其僧悲泣奏曰貧道捐軀委命遠取  
經來情望普濟羣生救拔苦難不以財寶爲  
念不以名利關懷請還經本流行庶望含靈  
同益帝遂留翻得之經還僧梵本其僧得梵  
本將向西明寺訪得解善梵語漢僧順貞奏  
共翻譯帝隨其請僧遂對諸大德共順貞翻  
譯譯訖僧將梵本向五臺山入山於今不出  
今前後翻兩本並流行於世小小語有不同  
者幸勿怪焉至垂拱三年定覺寺主僧志靜  
因停在神都魏國東寺親見日照三藏法師  
問其逗留一如上說志靜遂就三藏法師諮  
受神呪法師於是口宣梵音經二七日句句  
委授具足梵音一無差失仍更取舊翻梵本  
勘校所有脫錯悉皆改定其呪初注云最後  
別翻者是也其呪句稍異於杜令所翻者其

新呪改定不錯并注其音訖後有學者幸詳  
此焉至永昌元年八月於大敬愛寺見西明  
寺上座澄法師問其逗留亦如前說其翻經  
僧順貞見在西明寺此經救拔幽顯最不可  
思議恐學者不知故具錄委曲以傳未悟



佛頂尊勝陀羅尼經

唐周闍賓沙門佛陀波利奉 詔譯

如是我聞一時薄伽梵在室羅筏住誓多林給孤獨園與大苾芻衆千二百五十人俱又與諸大菩薩僧萬二千人俱爾時三十三天於善法堂會有一天子名曰善住與諸大天遊於園觀又與大天受勝尊貴與諸天女前後圍遶歡喜遊戲種種音樂共相娛樂受諸快樂爾時善住天子即於夜分聞有聲言善住天子却後七日命將欲盡命終之後生贍部洲受七返畜生身即受地獄苦四從地獄出希得人身生於貧賤處於母胎即無兩目爾時善住天子聞此聲已即大驚怖身毛皆豎愁憂不樂速疾往詣天帝釋所悲啼號哭惶怖無計頂禮帝釋二足尊已白帝釋言聽我

所說我與諸天女共相圍遶受諸快樂聞有聲言善住天子却後七日命將欲盡命終之後生贍部洲七返受畜生身受七身已即墮諸地獄從地獄出希得人身生貧賤家而無兩目天帝云何令我得免斯苦爾時帝釋聞善住天子語已甚大驚愕即自思惟此善住天子受何七返惡道之身爾時帝釋須臾靜住入定諦觀即見善住當受七返惡道之身所謂豬狗野干獼猴蟒蛇烏鷲等身食諸穢惡不淨之物爾時帝釋觀見善住天子當墮七返惡道之身極助苦惱痛割於心諦思無計何所歸依唯有如來應正等覺令其善住得免斯苦爾時帝釋即於此日初夜分時以種種華鬘塗香末香以妙天衣莊嚴執持往詣誓多林園於世尊所到已頂禮佛足右遶

七帀即於佛前廣大供養佛前胡跪而白佛  
 言世尊善住天子云何當受七返畜生惡道  
 之身具如上說爾時如來頂上放種種光遍  
 滿十方一切世界已其光還來遶佛三帀從  
 佛口入佛便微笑告帝釋言天帝有陀羅尼  
 名為如來佛頂尊勝能淨一切惡道能淨除  
 一切生死苦惱又能淨除諸地獄閻羅王界  
 畜生之苦又破一切地獄能迴向善道天帝  
 此佛頂尊勝陀羅尼若有人聞一經於耳先  
 世所造一切地獄惡業皆悉消滅當得清淨  
 之身隨所生處憶持不忘從一佛刹至一佛  
 刹從一天界至一天界遍歷三十三天所生  
 之處憶持不忘天帝若人命欲將終須臾憶  
 念此陀羅尼還得增壽得身口意淨身無苦  
 痛隨其福利隨處安隱一切如來之所觀視

一切天神恒常侍衛為人所敬惡障消滅一  
 切菩薩同心覆護天帝若人能須臾讀誦此  
 陀羅尼者此人所有一切地獄畜生閻羅王  
 界餓鬼之苦破壞消滅無有遺餘諸佛刹土  
 及諸天宮一切菩薩所住之門無有障礙隨

意遊入爾時帝釋白佛言世尊唯願如來為

眾生說增益壽命之法爾時世尊知帝釋意

心之所念樂聞佛說是陀羅尼法即說呪曰

此呪最  
後別翻

那謨薄伽跋帝一帝隸路迦稽哪鉢囉底毗

失瑟唵哪余何切下  
同長聲勃陀耶一云皈命聖尊  
三世勝覺二

薄伽跋底三怛姪他四唵長聲毗輸馱音耶

娑摩三漫文音多瞞婆娑六娑破囉拏揭底伽

訶那七娑婆瞞輸林輪律切  
下同地阿鼻訛去聲

蘇揭多伐折那八阿嚩嚩多毗曬鷄取扇切  
平聲九



持讀誦思惟愛樂憶念供養於瞻部洲一切衆生廣爲宣說此陀羅尼亦爲一切諸天子故說此陀羅尼印付囑於汝天帝汝當善持守護勿令忘失天帝若人須臾得聞此陀羅尼千劫已來積造惡業重障應受種種流轉生死地獄餓鬼畜生閻羅王界阿脩羅身夜叉羅刹鬼神布單那羯吒布單那阿波娑摩羅蚊畜龜狗蟒蛇一切諸鳥及諸猛獸一切蠢動含靈乃至蟻子之身更不重受即得轉生諸佛如來一生補處菩薩同會處生或得大姓婆羅門家生或得大刹利種家生或得豪貴最勝家生天帝此人身得如上貴處生者皆由聞此陀羅尼故轉所生處皆得清淨天帝乃至得到菩提道場最勝之處皆由讚美此陀羅尼功德如是天帝此陀羅尼名吉

祥能淨一切惡道此佛頂尊勝陀羅尼猶如日藏摩尼之寶淨無瑕穢淨等虛空光焰照徹無不周遍若諸衆生持此陀羅尼亦復如是亦如閻浮檀金明淨柔軟令人喜見不爲穢惡之所染著天帝若有衆生持此陀羅尼亦復如是乘斯善淨得生善道莫四天帝此陀羅尼所在之處若能書寫流通受持讀誦聽聞供養能如是者一切惡道皆得清淨一切地獄苦悉皆消滅佛告天帝若人能書寫此陀羅尼安高幢上或安高山或安樓上乃至安置窰堵波中天帝若有苾芻苾芻尼優婆塞優婆夷族姓男族姓女於幢等上或見或與相近其影映身或風吹陀羅尼山幢等上塵落在身上天帝彼諸衆生所有罪業應墮惡道地獄畜生閻羅王界餓鬼阿脩羅身惡道

之若皆悉不受亦不為罪垢染汙天帝此等  
衆生為一切諸佛之所授記皆得不退轉於  
阿耨多羅三藐三菩提天帝何況更以多諸  
供具華鬘塗香末香幢旛蓋等衣服瓔珞作  
諸莊嚴於四衢道造窣堵波安置陀羅尼合  
掌恭敬旋遶行道歸依禮拜天帝彼人能如  
是供養者名摩訶薩埵真是佛子持法棟梁  
又是如來全身舍利窣堵波塔爾時閻摩羅  
法王於時夜分來詣佛所到已以種種天衣  
妙華塗香莊嚴供養佛已遶佛七匝頂禮佛  
足而作是言我聞如來演說讚持大力陀羅  
尼者我常隨逐守護不令持者墮於地獄以  
彼隨順如來言教而護念之爾時護世四天  
大王遶佛三匝白佛言世尊唯願如來為我  
廣說持陀羅尼法爾時佛告四天王汝今諦

聽我當為汝宣說受持此陀羅尼法亦為短  
命諸衆生說當先洗浴著新淨衣白月圓滿  
十五日時持齋誦此陀羅尼滿其千遍令短  
命衆生還得增壽永離痛苦一切業障悉皆  
消滅一切地獄諸苦亦得解脫諸飛鳥畜生  
含靈之類聞此陀羅尼一經於耳盡此一身  
更不復受佛言若人遇大惡病聞此陀羅尼  
即得永離一切諸病亦得消滅應墮惡道亦  
得除斷即得往生寂靜世界從此身已後更  
不受胞胎之身所生之處蓮華化生一切生  
處憶持不忘常識宿命佛言若人先造一切  
極重罪業遂即命終乘斯惡業應墮地獄或  
墮畜生閻羅王界或墮餓鬼乃至墮大阿鼻  
地獄或生水中或生禽獸異類之身取其亡  
者隨身分骨以土一把誦此陀羅尼二十一

遍散亡者骨上即得生天佛言若人能日日  
誦此陀羅尼二十一遍應消一切世間廣大  
供養捨身往生極樂世界若常誦念得大涅  
槃復增壽命受勝快樂捨此身已即得往生  
種種微妙諸佛刹土常與諸佛俱會一處一  
切如來恒爲演說微妙之義一切世尊即授  
其記身光照曜一切佛刹土佛言若誦此陀  
羅尼法於其佛前先取淨土作壇隨其大小  
方四角作以種種草華散於壇上燒衆名香  
右膝著地胡跪心常念佛作慕陀羅尼印屈  
其頭指以大母指壓合掌當其心上誦此陀  
羅尼一百八遍訖於其壇中如雲王雨華能  
遍供養八十八俱胝苑伽沙那更多百千諸  
佛彼佛世尊咸共讚言善哉希有真是佛子  
即得無障礙智三昧得大菩提心莊嚴三昧

持此陀羅尼法應如是佛言天帝我以此方  
便一切衆生應墮地獄道今得解脫一切惡  
道亦得清淨復令持者增益壽命天帝汝云  
將我陀羅尼授與善住天子滿其七日汝與  
善住俱來見我爾時天帝於世尊所受此陀  
羅尼法奉持還於本天授與善住天子爾時  
善住天子受此陀羅尼已滿六日六夜依法  
受持一切願滿應受一切惡道等苦即得解  
脫住菩提道增壽無量甚大歡喜高聲歎言  
希有如來希有妙法希有明驗甚爲難得今  
我解脫爾時帝釋至第七日與善住天子將  
諸天衆嚴持華鬘塗香末香寶幢幡蓋天衣  
瓔珞微妙莊嚴往詣佛所設大供養以妙天  
衣及諸瓔珞供養世尊遶百千帀於佛前立  
踊躍歡喜坐而聽法爾時世尊舒金色臂摩

莫四

十一

善住天子頂而爲說法受菩提記佛言此經  
名淨一切惡道佛頂尊勝陀羅尼汝當受持  
爾時大衆聞法歡喜信受奉行  
佛頂尊勝陀羅尼經

佛說佛頂尊勝陀羅尼經

唐三藏法師義淨奉 制譯

如是我聞一時薄伽梵在室羅筏城逝多林給孤獨園與大苾芻衆千二百五十人俱菩薩摩訶薩萬二千人俱爾時三十三天善法堂會有一天子名曰善住與諸大天并諸天女前後圍遶受勝尊貴歡娛遊戲種種天樂共相娛樂受諸快樂爾時善住天子於其夜分聞有聲音善住天子却後七日決欲命終於此沒後生贍部洲便受七反傍生之身次受地獄苦從地獄出希得人身生貧賤家處於母胎即無兩目善住天子聞此聲已身毛皆豎生大怖懼愁憂不樂惶怖無計即便速疾往詣天帝釋所悲號啼哭頂禮天帝二足尊已白帝釋曰唯願天尊聽我所說我與天

女共相圍遶受快樂時聞有聲音善住天子却後七日命將欲終命終之後生贍部洲便受七反傍生之身次受地獄苦從地獄出希得人身生貧賤家在母胎中即無兩目我聞斯語惶怖無計云何今我得免斯苦爾時天帝釋聞善住天子語已甚大驚愕諦想思惟此之善住受何七返惡趣之身須臾靜住注想諦觀便見善住當受七返惡趣之身所謂豬狗野干獼猴蟒蛇烏鷲等身食諸穢惡不淨之物爾時帝釋觀見善住天子當墮七返惡趣身已極軫慈念愁憂苦惱痛貫身心諦思何計何所歸依誰能覆護得免斯苦復作是念唯有如來應正等覺大慈悲父今其善住免斯苦耶爾時帝釋作是念已於初夜分以種種華香天妙衣服以自莊嚴執持華香



往逝多林詣世尊所恭敬供養頂禮雙足遶  
七帀已長跪合掌而白佛言善住天子聞有  
聲音却後七日命終而受七返傍生惡趣之  
身聞此語已極懷憂苦痛貫於心世尊大慈  
哀愍利益云何令得免斯苦耶爾時世尊聞  
此語已即便微笑於其頂上放種種光遍照  
三千大千世界還至佛所若佛世尊說過去  
事光從背入若說未來事光從胃入若說地  
獄事光從足下入若說傍生事光從足跟入  
若說餓鬼事光從足指入若說人事光從膝  
入若說力輪王事光從左手掌入若說轉輪  
王事光從右手掌入若說天事光從齋入若  
說聲聞事光從口入若說獨覺事光從眉間  
入若說阿耨多羅三藐三菩提事光從頂入  
是時光明還至佛所遶佛三帀從佛口入爾

時世尊告帝釋曰天帝有陀羅尼名爲如來  
佛頂尊勝能淨一切惡趣生死苦惱又能淨  
除一切地獄焰摩王界傍生之苦又破一切  
地獄之業迴趣善道天帝此佛頂尊勝陀羅  
尼不可思議有大神力若復有人一經於耳  
先世所造一切惡業悉皆消滅當得清淨勝  
妙之身隨所生處憶持不忘從一佛土至一  
佛土從一天界至一天界乃至遍歷三十三  
天所生之處憶持不忘復次天帝若人欲終  
須臾憶念此陀羅尼還得增壽身口意淨亦  
無苦痛隨其福利悉蒙安隱亦令一切如來  
之所瞻視一切天神常爲侍衛人所敬重惡  
障消除一切菩薩同爲覆護若有男子女人  
須臾讀誦持此陀羅尼者當知此人所有三  
惡道苦破壞消滅無有遺餘諸佛淨土及諸

天宮一切菩薩甚深行願隨意遊入悉無障

礙是時帝釋一心樂聞爾時薄伽梵觀察帝

釋心之所念以大慈悲心說是陀羅尼法即

說呪曰

南謨薄伽伐帝 啞哩盧枳也 鉢喇底毗

失瑟吒引也 勃陀引也 薄伽伐帝怛姪

他 唵毗輸馱唐左切也 颯麼三曼多 阿

婆婆引娑 颯發囉拏揭底喏喝娜 瑣婆

引娑毗成 下商律切 睇阿毗誥者觀漫引 蘇

揭多跋囉跋者那 阿蜜栗多鞞師計 痲

引下 喝囉痲喝囉 痲愈珊陀引喇你 輸

馱也輸馱也 伽伽那毗成睇 烏瑟膩沙

毗逝也成睇引珊索訶薩囉曷賴濕弭珊

珠地帝 薩婆上 怛他揭多 阿地瑟佗引

娜 阿地瑟恥頰下可切 沒姪嚧 跋折囉

引 迦也 僧喝且娜成睇 薩婆痲伐喇拏

毗成睇 鉢喇底你跋戴也 阿愈成睇

三麼耶阿地瑟恥帝 末你末你麼末你

但闍多步多孤撒 鉢喇成睇 鼻窻怖吒

勃地成睇 逝也逝也 鼻逝也鼻逝也

三末囉三末囉 薩婆勃陀 阿地瑟恥多

成睇 跋折嚧跋折囉引揭鞞 跋折藍

婆跋觀麼麼阿目羯寫自稱名 薩婆薩埵

難引者 迦也毗成睇 薩婆揭底鉢喇成睇

薩婆怛他揭哆 三摩成和娑阿地瑟恥

帝 勃陀勃陀停也 菩馱也菩馱也 三

曼頰鉢喇成睇 薩婆怛他揭頰 阿地瑟

佗引 娜阿地瑟恥帝莎訶此呪比多翻譯傳

字體未能盡善故更 爾時世尊說此陀羅尼已告帝釋曰此陀羅

尼印名淨除一切惡趣佛頂尊勝陀羅尼法亦能除滅一切罪業等障能破一切穢惡道苦天帝此陀羅尼八十八諒伽沙俱胝百千諸佛同共宣說隨喜受持以大如來智印印之爲破一切有情三惡趣網爲令一切地獄

英四

十五

傍生琰摩王界之所有情而得解脫衆苦逼迫墮生死海有情得解脫故亦令短命薄福現無救護衆生樂造雜染惡業有情得饒益故此陀羅尼於贍部洲住持力故又令邪見不信善惡三惡趣中種種流轉生死苦惱薄福有情迷失正路如是等類無不蒙益悉令解脫衆苦重擔佛告天帝我今宣說此陀羅尼付囑於汝汝當授與善住天子令其受持讀誦思惟愛敬供養憶持莫忘亦令贍部洲中一切有情廣宣流布此陀羅尼利益無量

亦爲一切諸天子等說此大陀羅尼印付囑於汝天帝汝當正憶持勤加守護勿令忘失復次天帝若復有人須臾得聞此陀羅尼千劫已來積集重障惡業之罪應受種種生死流轉地獄餓鬼傍生琰摩王界阿蘇羅身藥叉鬼神布單那羯吒布單那阿波娑摩囉蚊蚋龜狗蟒蛇等身一切諸鳥及諸猛獸一切有情乃至蟻子之身更不重受便得轉生諸佛世尊一生補處菩薩同會一處或得大姓婆羅門家生或生刹帝利種及以豪貴最勝家生天帝此人身等如上勝處生者皆由聞此陀羅尼故隨所生處皆得清淨勝妙之身天帝如是果報乃至菩提最勝之處皆由讚歎此陀羅尼殊勝功德天帝此陀羅尼名爲吉祥何以故能除一切三惡道故此佛頂

尊勝陀羅尼猶如日藏摩尼之寶淨無瑕翳  
猶若虛空光焰照徹無不周遍若諸有情淨  
心持此陀羅尼者亦復如是如善好金明淨  
柔軟令人喜見不爲穢惡之所染著亦如蓮  
華飛塵不染天帝持此陀羅尼者亦復如是  
乘此淨業必生善趣英四天帝此陀羅尼隨所方  
處若能如是書寫受持聽聞讚誦恭敬供養  
者一切惡道皆得清淨諸地獄苦速能消滅  
天帝若有男子女人書寫此陀羅尼安高幢  
上或安高山或置樓臺乃至安置窰堵波中  
天帝若有苾芻苾芻尼邬波索迦邬波斯迦  
族姓男女於前幢等或時遙見或與相近其  
影映身或復風吹陀羅尼等幢上輕塵落在  
身者天帝彼諸衆生所有罪業應墮惡道地  
獄餓鬼傍生琰摩王界阿蘇羅身衆惡之苦

皆悉不受亦復不爲罪垢染汙天帝此等有  
情一切諸佛之所授記皆得不退轉於阿耨  
多羅三藐三菩提天帝何況更以種種華鬘  
塗香末香幢幡華蓋衣服瓔珞作諸伎樂種  
種莊嚴於四衢道造窰堵波安置陀羅尼合  
掌恭敬旋遶周行歸命禮拜天帝彼人能如  
是供養者名曰摩訶薩捶真是佛子持法棟  
梁又是如來全身舍利窰堵波塔爾時琰摩  
法王於夜初分來詣佛所以種種妙衣種種  
華香塗香末香梅檀沉水恭敬供養遶佛七  
匝禮雙足已而作是言我聞如來演說大力  
陀羅尼法讚持功德不可思議世尊大慈憐  
愍利益罪苦衆生世尊我常隨逐守護不令  
持者墮於地獄由彼隨順如來言教而護念  
之爾時護世四大天王遶佛三匝在一面立

白佛言世尊唯願如來重爲我等廣說陀羅尼法爾時世尊告四大天王曰汝等諦聽我當爲汝演說持此陀羅尼法亦爲短命諸有情說若欲受持當淨洗浴著新淨衣始從白月一日乃至圓滿十五日時齋戒一心誦陀羅尼滿其千遍令短命者命還增續永離痛苦一切業障悉能消滅一切地獄之苦一切鳥獸乃至有命之類聞此陀羅尼聲一經於耳盡此身已更不復受一切衆苦佛言若復有人忽遇惡病衆苦逼迫聞此陀羅尼者即得永離一切惡病衆苦消滅若應墮在惡道亦得解脫即得往生妙喜世界盡此身已後更不受胞胎之身所在之處蓮華化生隨其所生常得宿命憶持不忘佛言若復有人先造一切極重業已遂即命終由此惡業應墮

地獄或墮傍生琰摩生界餓鬼之趣乃至墮在捺洛迦中或生水中或作禽獸種種之身取其亡者隨身分骨淨土一把以陀羅尼呪之二十一遍散於骨上亡者生天佛言若人常能日日誦此陀羅尼滿二十一遍應消一切世間殊勝供養捨身往生極樂世界若常誦念復增壽命受諸快樂捨此身已即得往生種種微妙諸佛刹土常與諸佛俱會一處一切如來常爲演說微妙之法一切諸佛授菩提記身光照曜一切刹土乃至獲得無上涅槃復次若欲誦此陀羅尼法於其佛前先取淨土作壇隨其大小正方而作以種種草華散於壇上燒衆名香雙膝著地或時躡踞心常念佛作慕陀羅尼印先屈頭指以大母指壓然後當心合掌誦陀羅尼滿一百八遍

於其壇中猶如雲王兩種種華能遍供養八  
十八俱胝殑伽沙數那庾多百千諸佛彼佛  
世尊咸共讚言善哉善哉此為希有真是佛  
子證得無障礙智三昧及菩提心莊嚴三昧  
持此陀羅尼者應如是作佛言天帝我以善  
巧方便若有一切衆生應墮地獄即令解脫  
一切惡道亦得清淨消滅無餘復令持者增  
益壽命天帝汝今將我陀羅尼法授與善住  
天子即令持誦滿七口已汝與善住俱來見  
我爾時天帝釋於世尊前親受陀羅尼法奉  
持憶念還於本宮授與善住天子爾時善住  
天子受得此陀羅尼法已滿六日六夜依法  
受持一切願滿先應受彼一切惡趣之苦即  
時解脫住菩提分增益壽命無量福業應時  
雲集慶悅無量高聲唱言希有如來說斯妙

法希有明驗甚大難量大悲世尊十九能為我等  
及諸有情說此神呪令我解脫惡趣之苦爾  
時天帝釋至七日已與善住天子及諸天衆  
嚴飾華鬘寶以妙香寶幢幡蓋天衣瓔珞微  
妙莊嚴來詣佛所作供養已以天妙衣及諸  
瓔珞奉上世尊遶百千匝踊躍歡喜在一面  
坐瞻仰尊容目未曾捨爾時世尊舒金色臂  
便以百福莊嚴衆相具足無畏右手摩善住  
天子頂而為說法授菩提記佛告善住天子  
曰此陀羅尼印名為淨除一切惡趣佛頂尊  
勝陀羅尼汝應受持爾時善住天子及天帝  
釋諸來天衆一切大會聞佛說已皆大歡喜  
信受奉行

佛說佛頂尊勝陀羅尼經

音釋

謬戾 謬靡切 戾也

蚺 蚺莫切 大蛇也

齋 齋在切 與臍同

蚺 蚺莫切 大蛇也

蚺 蚺莫切 大蛇也

蚺 蚺莫切 大蛇也

蚺 蚺莫切 大蛇也

蚺 蚺莫切 大蛇也

蚺 蚺莫切 大蛇也

蚺 蚺莫切 大蛇也

蚺 蚺莫切 大蛇也

蚺 蚺莫切 大蛇也

蚺 蚺莫切 大蛇也

蚺 蚺莫切 大蛇也

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



[www.docsriver.com](http://www.docsriver.com) 商家 本本书店  
内容不排斥 转载、转发、转卖 行为  
但请勿去除文件广告宣传页面

若发现去宣传页面转卖行为，后续广告将以上浮于页面形式添加

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>

